

景岳全書卷之四十九大集

本草正

會稽 張介賓 會卿著

瀛海 賈棠 青南訂

水石草部

石斛 百四一

此藥有二種力皆微薄圓細而肉實者味微甘而淡其力尤
薄本草云圓細者爲上且謂其益精強陰壯筋補虛健脚膝
肢冷痺卻驚悸定心志但此物性味最薄焉能滋補如此惟

是扁人而鬆形如釵股者頗有苦味用除脾胃之火去饑熱
善飢及營中蘊熱其性輕清和緩有從容分解之妙故能退
火養陰除煩清肺下氣亦止消渴熱汗而諸家謂其厚腸胃
健陽道煖水臟豈苦涼之性味所能也不可不辨

黃芩

百四二

味辛微苦性溫散風寒濕痺除煩悶欬逆上氣止心腹痛霍
亂轉筋癰瘤客忤開心氣胃氣行滯氣通九竅益心智明耳
目去頭風淚下出聲音溫腸胃煖丈夫水藏婦人血海禁止
小便辟邪逐鬼及中惡卒死殺虫療惡瘡癰疥欲散癰毒宜

搗汁服用渣貼之若治耳痛宜作末炒熱絹裏罨之亦解已
豆大戟等毒

蒲黃

百四三

味微甘性微寒解心腹膀胱煩熱疼痛利小便善止血涼血
活血消瘀血治吐血衄血刺血尿血通婦人經脉止崩中帶
下月經不調妊婦胎漏墜胎血暈血癥兒枕氣痛及跌撲血
悶療瘡瘍消舌腫排膿消毒亦下乳汁亦止洩精凡欲利者
宜生用欲固者宜炒熟用

澤瀉

百四四

味甘淡微鹹氣微寒味咸而降陰也陰中微陽入足
太陽少陽其功長於滲水去濕故能行痰飲止嘔吐傷痢通
淋瀝白濁大利小便瀉伏火收陰汗止尿血癰難產諸痛脚
氣腫脹引藥下行經云除濕止渴聖藥通淋利水他丹第其
性降而利善耗真陰久服能損日痿陽若濕熱壅閉而目不
明者此以去濕故亦能明目

海藻 百四五
反甘草 海帶 昆布性用畧同

味苦鹹性微寒陰也降也善降氣清熱消膈中痰壅故善消
頸項癰瘤結核及癰腫癥積利小便逐水氣治濕熱氣急

中上下雷鳴療偏墜而急疼痛消奔豚水氣浮腫及百邪鬼
魅熱毒

骨碎補

卷四六

味微苦性溫平乃足少陰厥陰肝腎藥也能活血止血補折
傷療骨中斜毒風熱疼痛及痢後下虛或遠行或房勞或外
感風濕以致兩足痿弱疼痛俱宜以四斤丸補陰藥之類佐
而用之或炒熟研末川豬腰夾煨空心食之能治耳鳴及腎
虛久痢牙疼

竹木部

竹瀝

百四七

味甘性微涼陰也降也治暴中風痰失音不語胸中煩熱止
煩悶消渴丹溪曰凡風痰虛痰在胸膈使人癰狂及痰在經
絡四肢皮裏膜外者非此不達不行

淡竹葉

百四八

味甘淡氣平微涼陰中微陽氣味俱輕清上氣咳逆喘促消
痰涎解熱狂溫虛熱煩躁不眠壯熱頭痛止吐血衄血心經

亦清脾氣卻風熱止煩渴生津液利小水解喉痺并小兒風熱驚癇

淡竹茹 百四九

味甘微涼治肺痿唾痰唾血吐血衄血尿血胃熱嘔噦噎膈婦人血熱崩淋胎動及小兒風熱癲癇痰氣喘欬小水熱澀

天竹黃 百五十

味甘辛性涼降也陰中有陽善開風痰降熱痰治中風失音痰滯胸膈煩悶癲癇清心火鎮心氣醒脾疎肝明眼目安驚悸療小兒風痰急驚客忤其性和緩最所宜用亦治金瘡并

為熱藥毒

官桂

百五一

味辛甘氣大熱陽中之陽也有小毒必取其味甘者乃可用
桂性熱善於助陽而尤入血分四肢有寒疾者非此不能達
桂枝氣輕故能走表以其善調營衛故能治傷寒發邪汗療
傷風止陰汗肉桂味重故能溫補命門堅筋骨通血脈治心
腹寒氣頭疼欬嗽鼻鼾霍亂轉筋腰足臍腹疼痛一切沉寒
痼冷之病且桂為木中之王故善平肝木之陰邪而不知善
助肝胆之陽氣惟其味甘故最補脾土凡肝邪旺上而無火

者用此極妙與參附地黃同用最陰虛火及治下焦元陽虧
乏與當歸川芎同用最治婦人產後血瘀元枕腹痛及小兒
痘疹虛寒作癢不起雖善墮胎動血用須防此二證若下焦
虛寒法當引火歸元者則此爲要藥不可誤執

丁香

百五二

味大辛氣溫純陽入腎胃肺藏能發諸香辟惡去邪溫中快
氣治上焦呃逆翻胃霍亂嘔吐解酒毒消痰癖奔豚陰寒心
腹脹滿冷痛煖下焦腰膝寒疼壯陽道抑陰邪除胃寒瀉痢
殺鬼疰蠱毒疳蝕諸蟲辟口氣堅齒牙及婦人七情五鬱小

金書卷四十九 本草
兒吐瀉痘瘡胃寒灰白不發

白檀香

百五三

味辛氣溫能散風熱辟穢惡邪氣消腫毒逐鬼魅煎服之可散冷氣止心腹疼痛定霍亂和胃氣開噎膈止嘔吐進飲食又治面生黑子每晚以熱水洗拭磨升塗之甚良

沉香

百五四

味辛氣微溫陽也可升可降其性煖故能抑陰助陽扶補相火其氣辛故能通天徹地條達諸氣除轉筋霍亂和噤口瀉痢調嘔逆胃翻喘急止心腹脹滿疼痛破癥癖療寒痰和脾

胃逐鬼疰惡氣及風濕骨節痲痺皮膚瘙癢結氣

烏藥 百五十五

氣味辛溫善行諸氣入脾胃肝腎三焦膀胱諸經療中惡鬼
氣蠱毒開胸膈除一切冷氣止心腹疼痛喘急霍亂反胃脹
滿溫腸胃行宿食止瀉痢除天行疫瘴氣厥頭痛膀胱腎氣
攻衝心腹疝氣脚氣癰疽疥癩及婦人血氣小兒蟲積亦止
小便頻數氣淋帶濁并猫犬百病俱可磨汁灌治之

枸杞 百五十六

味甘微辛氣溫可升可降味重而純故能補陰陰中有陽故

能補氣所以滋陰而不致陰衰助陽而能使陽旺雖夢云離
家千里勿食枸杞不過謂其助陽耳似亦未必然也此物微
助陽而無動性故用之以助熟地最妙其功則明耳目壯神
魂添精固髓健骨通筋善補勞傷尤止消渴真陰虛而腰腹
疼痛不止者多用神效

地骨皮 百五十七

枸杞根也南者苦味輕微有甘辛北者大苦性劣入藥惟南
者為佳其性辛寒善入血分肝腎三焦胆經退陰虛蠱熱骨
蒸有汗止吐血衄血解消渴療肺腎虛中陰虛伏火煎湯飲

止齒血且不因風寒而熱在精髓陰分者最宜此物涼而而不峻可理虛勞氣輕而辛故亦清肺假熱者勿用

厚朴

百五八

味苦辛氣大溫氣味俱厚陽中之陰可升可降有小毒用此者用其溫降散滯制川薑汁炒治霍亂轉筋消痰下氣止嗽嘔逆吐酸殺腸藏諸虫宿食不消去結水破宿血除寒濕瀉痢能煖脾胃善走冷氣總之逐實邪瀉膨脹散結聚治胸腹疼痛之要藥倘本元虛弱誤服脫人真氣孕婦忌用墮胎須知

全書卷四十六
酸仁

百五九

味微甘氣平其色赤其肉味酸故名酸棗其仁居中故性主
收斂而人心多暇者生用不眠者炒用寧心志止虛汗解渴
去煩安神養血益肝補中收斂魂魄

杜仲

百六十

味甘辛淡氣溫平氣味俱薄陽中有陰其功入腎用薑汁或
鹽水潤透炒去絲補中強志壯腎添精腰痛殊功足痿立效
除陰囊寒濕止小水夢遺因其氣溫故煖子宮因其性固故
安胎氣內熱火盛者亦當緩用

山茱萸 百六

味酸溫主收斂氣平微溫陰中陽也入肝腎二藏能固陰補精煖腰膝壯陰氣澁帶濁節小便益髓興陽調經收血若脾氣大弱而畏酸者姑暫止之或和以甘草煨薑亦可

蘇木 百六二

味微甘微辛性溫平可升可降乃三陰經血分藥也少用則和血活血多用則行血破血主婦人月經不調心腹疼痛血癖氣壅凡產後血瘀脹悶勢危者宜用五兩水煮濃汁服之亦消癰腫死血排膿止痛及打撲瘀血可敷若治跌傷風宜

爲末酒服立效

川椒 百六三

味辛性熱有小毒本純陽之物其性下行陽中有陰故主溫
中下氣開通腠理散肌表寒邪除藏府冷痛去胸腹留飲停
痰宿食解鬱結溫脾胃止欬逆嘔吐逐寒濕風痛療傷寒溫
瘧水腫濕疸除齒痛煖腰膝收陰汗縮小便溫命門止泄瀉
下痢遺精脫肛殺疰虫鬼疰蠱毒蛇虫諸毒久服之能通神
明實腠理和血脈堅齒牙生鬚髮明耳目調關節耐寒暑若
中其毒惟冷水麻仁漿可以解之

胡椒真面

味辛性大熱純陽也善走氣分溫中下氣煖腸胃消宿食辟
臭惡除寒濕寒厥寒飲吐水止反胃嘔吐霍亂虛寒脹滿心
腹疼痛去冷積陰毒壯腎氣治大腸寒滑冷痢殺一切虫魚
驚諸藥食陰凝之毒若治風虫牙痛須同其毒為末焙蠟
為細丸塞孔中即愈

金櫻子

百六十五

味澀性平生者色青酸澀熟者色黃甘澀當用其將熟微酸
而甘澀者為妙其性固澀澀可固陰治脫甘可補中益氣故